

高要縣志卷十三

金石畧三

宋二元

宋

肇慶

客白載陽藍子惠賈明仲端

仲王彥和

恭彥明同遊石室

炎四年十一

九

案右白載陽題名正書在石室巖

溜水

處石理剥落字已無一完筆舊志釋首數

字作肇慶慕安之客今不可辨又少

一字恐未然廣東志缺十二字又誤明仲

高要縣志

卷十三

金石畧三

一

爲仲明

范正國遊

建炎庚戌十二月三日

高要縣令

王允迪募工刻石

案右范正國題名凡四刻皆正書其二在

石室大巖其一在西巖其一在黑巖字獨

大獨最漫滅無高要縣令一行蓋泐去矣

郝氏廣東志職官正國紹興三年任轉運

判官此刻庚戌爲建炎四年或志誤也一

日之遊止此數字乃磨厓四處可謂好名

今廣東志得高要宋刻四十餘種却盡遺

之並其旁范直方敬觀一段亦失載至職  
官表又誤其名爲國正

韓敏求朱積中鄭子永子正吳唐輔同叩星巖石  
室觀李公垂泊北海墨刻紹興辛亥十一月己酉  
張達明題

案右韓敏求題名正書在石室大巖辛亥  
紹興元年也

直方來遊敬觀叔父題字紹興癸丑清明日崔  
紹同來

案右范直方題名正書在石室黑巖舊志

高要縣志

卷十三

金石書三

二

所錄首一字爲范注云左刻泐不可讀左  
刻卽范正國題名盖直方叔父也

朱文 孫義因趙季擇李靜叔紹興五季中冬式  
十戈同遊

案右朱文中題名八分書

邑令羅浮何柔中紹興辛酉首春來遊

案右何柔中題名正書

廖玖粹老癸亥上巳

廣東通志題名但云癸亥上巳不書年號攷鄧名  
世姓氏書辨證玖爲容之父萬姓統譜粵大記丛  
稱容紹興五年進士歷戶錄縣令改秩授封川教  
官時父新州秩滿辭歸容迎養之及卒歸葬服闋

知化州据中興繫年錄容知化州在紹興三十一年則玖之卒在三十年之前此刻題云癸亥蓋紹興十三年守新州時矣

案右廖玖題名正書

斗峰遙認舊嵩臺爲勸耕農特地來短李高名光  
翠壁僞劉眞蹟没蒼苔洞天日永風埃靜巖竇雲  
妝霽色開好景最宜供宴賞搯觚欲賦愧非才  
紹興乙丑仲春上休郡守葉南仲拉同僚來遊因  
畱五十六字

案右葉南仲詩行楷書肇慶志職官南仲  
侯官人進士朝散郎知新州軍事次紹興

二年後此刻乙丑爲十五年蓋由新州遷  
肇慶據詩中僞劉眞蹟之語石室當有南  
漢題刻今已不見

濟南王次張漢老莆陽陳可大齊賢紹興丁卯歲  
二月二十九日清明同遊

案右王次張題名正書

斗光 紹興十八年八月 缺

案右斗光大字行書年月下爲明吳國倫  
詩刻剥去

公路同行道來遊男資孫鏞鏜侍行紹興十八年

閏八月八日也

案右吳公路題名正書左行福建通志吳  
達字公路崇安人宣和三年進士初知新  
州擢知肇慶府置學田籍以杜豪民吞并  
此刻蓋知郡之年

廬陵楊王猷單騎薄暮來遊紹興辛未人日記

案右楊王猷題名正書左行

天上何時落斗星化爲巨石羅翠屏洞拆三义盤  
空曲壁立萬仞穿青冥客尋舊路不知處龍去千  
載猶聞醒欲訪仙子問真訣岩扃寂寂水泠泠壺

高要縣志

卷十三

金石書三

四

山黃公度師憲紹興甲戌正月上澣題

案右黃公度詩正書公度宦績有傳

襄邑鄭安恭子禮臨江歐陽庠文周長樂陳致一  
貫道三衢柴衛元忠紹興二十八年上元同遊

案右鄭安恭題名正書諸志職官安恭紹  
興間知肇慶府不言某年此刻在三十一  
年任轉運使之前則爲知郡時書矣

缺  
黃齊 缺  
巖甫 缺  
單 缺  
戴師文 缺  
紹興

二 缺  
春十日

案右紹興殘字正書上段爲明李偕詩刻

磨壓紹興紀號凡三十二年二字下不可  
攷故繫於末

羅浮張宋卿華陽王子渭吳興陶定乾道丙戌暮  
春廿一日遊

案右張宋卿題名正書左行宋卿宦績有  
傳丙戌爲乾道二年其年陶定提舉市舶  
此定書也以上十二刻在石室大巖

宋乾道己丑秋九月乙丑陶定觀

案右陶定題名正書在石室巖外李邕記  
末葉盛蓁竹堂稿論邕記云後有宋乾道

己丑秋九月等字乃視此未審故疑記或  
經宋時重刻今石本觀字雖泐尚可辨廣  
東志亦闕之舊志直作乙丑摹石又似因  
葉說而輾轉譌誤矣

古端有奇勝名巖擬天星傳聞輦轂下往往極口  
稱有爲背馳說曾不如丘陵請君勿誇山恐非動  
者情請君勿譽水靜必惡涼琤元酒薄滋味衆口  
難調羹甲乙隅相背馬不同牛耕海上有逐臭寧  
云爾德馨主人何負盜勢固爲盜憎茲山豈求全  
乃與人事并信信而疑疑世態犬吠聲百聞輸一

見日月中天明我縮高要章往返萬里程凜然民  
社寄旦旦朱墨縈及茲瓜戍期作意星巖行星巖  
有佳處丈人試靜聽空洞似容德不禁魑魅停其  
中百尋泉澄撓無濁清神龍倏兮來穩穩石榻橫  
忽焉風雲合霹靂行雷霆驅逐百種怪慄慄心膽  
驚爲山何用高有此足以名提攜麴居士賓從盡  
豪英刻山與題柱悔罪付兩鯨男兒須辦此誰能  
作蠅營 浚儀趙靡和仲以淳熙二年乙未來守  
肇慶適當殫乏後以拙直理郡事日不暇給逮丁  
酉孟秋秩滿府僚俸給不積軍士廩餉如期尤幸

聖澤遠被雨暘時若歲事豐穰訟平盜弭後使君  
過戍月未至始得與郡官同遊茲岩因賦詩命刻  
諸崖以紀時教授丘微之夢錫節度推官權倖許  
通亨之錄參傅濤次山高要令范念祖德修司法  
邵穆幹臣四會簿尉權司理林奉先紹德高要簿  
李抃師悅尉黃補季全兵馬都監李濟巨川監押  
趙善冲太和同巡檢許浚少清前巡檢宮良弼彥  
輔寄寓前東莞邑宰孟栝榦臣同來實十月惟前  
教官林致覺之戎官趙彥溲以數十日前離任不  
與此行先是郡守之子瀟曰伯清湜曰伯正泌曰

伯淵浹曰伯廣洽曰伯潤汲曰伯升女曰淑女

儀淑懿曾奉其母劉來遊劉氏光烈之子光世之

姪

廣東通志趙靡宋詩紀事稱為忠簡後人今按靡官肇慶在淳熙與忠簡時相去不甚遠又其妻為劉光世之姪光世與忠簡同時則靡豈即忠簡之孫耶靡粵東金石畧及畢沅續通鑑並作靡誤又粵東金石畧所錄詩後題名以石刻校之譌舛尤多當據此為正也

案右趙靡詩行書諸志職官邱微之誤作

明之范念祖李抃皆誤書其字又誤德修

為德邵此刻止一字不可辨翁氏金石畧

載其題名闕至四十五字其存者又誤十

高要縣志

卷十三

金石畧三

七

四字宜為廣東志所摘然廣東志錄全文

亦闕九字誤五字脫四字亦不得據以為

正

淳熙十三年上元前五日玉牒善擇智老伯杓景

茂趙庚叔初徐世亮正顯黃執矩才用羅龜仲

葛嶠景高徐盈謙臣夏卿陳飛英子聲陸

留師鄭公表若儀吳日新不國瑞聯轡

來遊是日春事妍物情口暢攜壺挈榼班荆

爵行無筭酒酣抵掌論前之民間之

利病以言永興盡而返日西

頤大書深刻以紀歲月云

案右趙善擇題名正書淳熙十三年三字石上闕文似玉著錄家皆作十五年誤也廣東志闕四十二字誤二字翁氏金石畧闕五十字誤八字脫四字

紹熙辛亥清明日白勉之挈家來遊五子侍行

案右白勉之題名正書辛亥紹熙二年也

紹熙癸<sup>缺</sup>日武林徐安國敬觀子松侍行

案右徐安國題名行書在景福大字之上闕處爲明黎近詩刻磨去癸下當是丑字

高要縣志

卷十三

金石畧三

八

廣東志職官表安國慶元二年提舉常平此刻在紹熙四年或志誤國字已闕半敬觀謂景福書也

柄通 絕 分形合氣 七石含虛

舌六 鑿洩雲煙冥行忽見日中斗 安知壺裏天莫道挹漿成畫餅 乳滴涓涓

徐安國

案右徐安國詩行書在題名左數尺石陷入如臼故行間欹斜不正

蓬萊山上 仙官 闕凌虛空煙濤微 不



可涉徒有丹青人未 如何大造

兀

臺郡城北洞門竟日鎖煙霞嵌

北斗辭經躔魁杓歷歷墮眼前不與天公管喉

舌却於平地巢神仙寶蓋低垂自盤古涓涓雪竇

流膏乳石牀猶帶神龍腥石井幽深通水府二李

遺蹤得訪尋捫蘿

細 蛟龍

綬

女

入名山遊

滄洲未妨乘興此夷猶惜

無大筆追曹劉剩畱記刻巖之幽

嘉泰

臘

高要縣志

卷十三

金石書三

九

月邑令

繆瑜

案右繆瑜詩正書

嘉定乙亥臘月既望莆陽陳光祖世德攜家來遊

同里葉觀盥伯偕行

廣東通志陽上缺一字據萬姓統譜載陳光祖字世德希造之子仙遊人則缺字當為莆字也統譜又載光祖知英州日上供泛輪幾倍光祖奏蠲第四戶以寬民力滇陽渡湍惡舟多覆溺更創巨艦以濟廖德明行部嘆曰陳公可謂依本分君子矣德明嘉定初提點刑獄此刻題云乙亥為嘉定八年當即光祖知英州之時郝志職官云至道年任恐誤也

案右陳光祖題名正書莆字尙可見廣東

志所辨蓋拓本失之葉觀福州人紹定中

知潮州

嘉定戊寅春二月望郡守嘉禾徐龜年率權高要令錄參趙汝襲勸耕于星巖 後二日汴人趙汝

襲挈家來遊弟汝附子崇華 侍温陵謝庭玉莆陽

阮時孺偕行

廣東通志徐龜年崇德人淳熙進士累官監察御史以直華文館知温州改徽州致仕萬姓統譜不言其知肇慶府事汝襲汝附崇奕皆宗室也

案右徐龜年題名正書後二日一段字稍小別繫於後崇華字本火旁廣東志敬避作奕

郡守趙希閔偕子姪與溱與琬與 來觀戊寅中冬既望日識

案右趙希閔題名正書闕字似是德諸志職官有趙希周嘉定間知肇慶府据此刻即希閔之誤戊寅則嘉定十一年也郝氏廣東志別有知新州軍州事趙希閔一人次咸淳後今廣東志無之肇慶志作希閔注云朝散郎有修學功一作閔非攷咸淳元年乙丑距嘉定戊寅已四十八年其人未必尚在後戊寅則帝昺祥興元年自仲

冬既望更六七十日而宋亡亦非郡守遊  
觀時矣則希周爲希閔之誤而希閔別是  
一人無疑郝氏於希周下注云嘉定人則  
又誤以年號爲地名爾

寶慶改元詔前莆田鄭澤甫偕三季源甫殖甫懋  
甫遊此皆同里友人丁學詩與焉

案右鄭澤甫題名正書理宗以嘉定十七  
年閏八月丁酉卽位明年正月改元此刻  
當在十七年冬

莆陽鄭起沃汝說丁伯桂元輝鄭鼎新中實五仙

曾潛達之建安張毅然仁叟三衢曾煥黃中秦郡  
趙善邴國成清漳梁傅巖叟黃擇中夫三山黃壁  
舒文王澤履之臨安李岳山甫開封陸濟巨川以  
寶慶改元正月五日同來

案右鄭起沃題名正書舊志誤分臨安以  
下別爲一條列丁亥題名前而前半次丁  
亥後以上十一刻在石室大巖

寶慶丁亥二月既望古端守鄭起沃郡丞陳 衢

高要令趙善服勸 于郊回訪星巖同寮陳顯伯

吳昭嗣孫瑞 應時鄧夔黃擇王良佐趙公堪陳

璇皆從是日也宿雨閨霽光風吹林井畝興耨畜  
牧被野此字民者之志也

案右鄭起沃題名正書在石室巖外舊志  
所錄作陳一循孫瑞槐審視石本皆不類  
翁氏金石畧闕十二字廣東志闕十一字  
勸字皆誤劭起沃諸志職官皆云紹興間  
知肇慶府建置篇內亦云紹興間增修府  
學此刻丁亥爲寶慶三年自紹興末年壬  
午至此已六十六年安得久任如是此記  
載之妄也

肇慶判府提舉鄭公德政紀實

缺

案右鄭公德政碑篆額碑在石室大巖巖  
築石盡沒其頂掘土出之其文已漫無  
一字惟此額未泐以結銜考之鄭公卽起  
沃也容齋三筆論判府知府之別言國朝  
著令僕射宣徽使使相知州府者爲判今  
世叢爾小壘區區一朝官承乏作守吏民  
稱爲判府則自紹熙慶元間判府已爲知  
郡通稱廣東志載起沃紹定元年  
即寶慶  
丁亥之  
年明提舉常平故合遷銜稱之碑蓋立於是

年也

石峒 缺

石峒神周氏高要人唐貞觀初封貞政

公劉漢加王爵國初避禧廟諱曰秉政神威德之

顯郡人即其居之旁建祠今府治北十里將軍嶺

之東七星巖之北一峯虎踞巖穴天開是為石峒

廟其中南 門上虛通天四傍異石彷彿輿馬

徒御拱列呵 禽鳴嘯出沒空處聲傳恍若神

語遇夏潦漲 至狂風怒濤則峒有龍歸

世傳謂王 穀熟人厭鮮食今峒有

歇龍池是也 寇至一城陰禱其徒

高要縣志

卷十三

金石書三

十三

不終夕遁去人物 永永不替蓋功則

祀周典也乃作詩送 遊兮何所為祥

風兮甘雨人僉神 年萬年兮併

幪此土神之歸兮峒 人荷神休

今年穀斯豐竚觀天寵兮 平 年正

月朔從事郎肇慶高要 主 呂 記并 承直

郎肇慶府司法參軍顧梅篆蓋 州司法

參軍兼司戶伍萬全迪功郎致仕梁彌明立

案右石峒廟碑行楷書篆額碑上下皆剝

泐惟中段完好篆蓋二字古惟壙誌用之

無施於碑碣者此誤也舊志錄此文前署名曰呂成末云端平二年長至日文句長短錯互幾三之一頗似率意點竄不僅摸搨之失峒有歇龍池是也下志作皇祐四年儂寇至考東都事畧其年五月癸亥儂智高陷端州東軒筆錄謂州守丁寶臣棄城遁其事前志皆失載碑云一城陰禱其徒不終夕遁去蓋讐言也

斗宿垂精插碧空嵌巖太古石屏風自然一道玲瓏穴誰見五丁開鑿功竇裏乳泉時點滴門前瀝

高要縣志

卷十三

金石書三

十四

水暗流通吾儕洞目崧臺景謝屐何曾到此中

清源曾純景亮偕趙同年作 地本乎陰竅本空巖名以斗古傳風世人適意爲行樂其造物何心着巧功弱水蓬萊仙境界石橋方廣佛神通達觀不作塵寰看笑挹天漿樂在中 浚儀趙崇垓德

暢和曾同年

廣東通志詩刻不著年月巖別有趙崇垓曾純紀遊石刻稱端平乙未則詩亦是時作也儕作儕本北齊雋修羅碑樂下其字倍大非詩本文蓋舊刻磨贖者

案右曾純趙崇垓唱和詩正書

端平乙未嘉平朔後二日權郡貳羊石趙崇垓德

暢侍母偕權理曹新興寧令清源曾純景亮法掾  
三山趙彥嶠源叔權糾高要簿清源趙錚夫君玉  
寓公提屬清源莊世雄仲傑攜家同遊源叔子澣  
夫德暢子必錚侍聊紀歲月云

廣東通志題名在曾純詩之後諸趙皆宗室涖官  
至越者郝志職官丛遺之乙未嘉平端平二年十  
二月也

案右趙崇垓題名正書

嘉熙丁酉臨江章盪董試秋闈後同考官合沙劉  
漢英清潭徐雷開來遊

案右章盪題名行楷書盪字從玉廣東志

職官表載章盪寶慶三年以通直郎知保  
昌縣意卽其人字誤從皿廣州府學有鞏  
公增修學廩碑後題從事郎廣州州學教  
授合沙劉漢英撰紀年與此刻同嘉熙元  
年也

星巖端之勝槩嘉熙戊戌歲重陽之明日區永年  
呂章李德秀倫冠卿楊天起區億年林時英梁延  
祖李伯震衛觀光梁光祖李伯常趙彥紹張攀龍  
鄧賓之黃天祐陳英元梁巖叟李季英葉達可趙  
澣夫趙若櫟同遊

案右區永年題名正書

濂溪周元公筆蹟 淳祐壬子春日後學呂中偕  
正錄直學鄺夢得陳君疇孔朱年董汝舟諸生得  
之謹識時廣學掌儀顧孺嘉同至

廣東通志題名在周元公筆蹟之後文云得之者  
蓋得元公筆蹟也

案右呂中題名正書濂溪七字橫列元公  
題名上筆意亦中所書故并錄為一顧孺  
嘉廣東志誤儒嘉

星巖

糸

能一再遊山列

填洪流神人 後蛟龍一隱士

高要縣志

卷十三

金石書三

十六

來猿鶴愁我已乞身香火吏結廬此志未容酬  
星巖之勝聞之久矣揭來假守公餘僅得一到今  
歲同府判徐丈方能再至驚日月之易得悵功名  
之 立徐丈有築屋之興曰思去歲府判趙丈亦  
嘗欲起菴於門臺因循不果適丐祠得請去此有  
日因成小詩識 缺 赴安 缺 時嘉配 缺  
案右嘉熙詩刻正書前為別刻一詩所掩  
掩者姓名亦闕末二行識字熙字下又為  
明李寵書磨去

明李寵書磨去

缺

諸同官遊

祐庚戌 缺



案右庚戌殘字正書前後爲明鄒光祚涂相二詩壓刻不可辨正史以祐字紀元者十有一五代漢隱帝乾祐三年宋理宗淳祐十年皆次庚戌嶺南非乾祐版圖此淳祐十年書也

咸淳乙丑良月番禺蘇良同張彭二寅契來游因以紀勝 杖履追隨入翠蓬玲瓏一竅徹心胷山羅斗宿英靈萃地鎮龍潛氣勢雄碑蘇猶涵周子澤澗松仍有老包風歲寒共約吾三友要把清規踵二翁 再詠星巖 曾聞媧氏補天漏也記春

秋石隕星却訝端巖星錯落何時漂隊數拳青

案右蘇良詩正書肇慶志秩官良知府在咸淳二年後此刻乙丑爲元年蓋志誤也

德政碑 端守自孝肅公後不知幾更政績之善人紀者鮮今我 侯梅溪劉公由外府丞 頁 郡紱三年于茲職稱民安 如始至仁仁 不可枚舉邦人思之無以 敬

謹條德政之大綱刊 言 堅石庶使聞者見

者 之景之侯蜀之長寧人名孳其存心以仁守已以廉接 以禮撫民以寬律軍敕 吏嚴

刑恐亻

政勤化姦治盜各得其宜修

城鑿池不用民力郡計之者代補亭館之廢者

復興深愛在人家碑戶咏稱之曰母非可強而

致者朝廷清循良顯用會且歸矣元

跡就斗巖之南立祠以吾又

峭壁紀實政以永巖瞻表郡人之意云

咸淳寅春仲鄉貢進士張宋傑府學

進勇老鄉貢進士陳魁應梓府

學學諭李唐臣府學陳舉廣進勇副尉陸

國學正奏龍應士府學學諭陳昂

高要縣志

卷十三

金石書三

十八

府學直學梁鄉貢進士府學書梁杰待

省進士前府學學正董以舟百拜立

廣東通志碑為前至元戊子月忽乃題名所掩此  
文乃掩之未盡者劉公名叔子事不可考然當時  
為之立祠勒碑當必有以入人深者方志名宦無  
其人可惜也咸淳下有缺字以寅字推之當是二  
年丙寅其額亦磨泐殆盡惟德政碑三字約畧可  
見耳

案右劉公德政碑額與文皆正書廣東志

不錄碑後題名存一百三十六字以上九

刻在石室大巖

淮南黃崗葉咸淳戊辰孟春望日祇此斧柯謾

畱記耳

案右葉 題名正書在爛柯山水巖峰頂  
土人名其處為狀元府巖祇此蓋抵此刻  
誤

因遊石室畱二十八字趙時 假守聖朝多宰輔  
紀題昔日盡名賢我今始會由來意此境棲遲本  
列仙 女壻沈因書

案右趙時詩正書在石室大巖不著年代  
詳詩語唐以前無宰輔守端州者李紳楊  
收皆司馬宋則馮拯後至宰相

諸志秩官陳堯叟至道中知端州乃誤載至名宦傳所記首疏郡無他植惟產苧麻云云放宋史乃堯叟

高要縣志

卷十三

金石書三

十九

為廣南西路轉運使時事堯叟真宗朝同平章事樞密使然未嘗守端州 范雍  
包拯並至樞密副使詩或指此故附宋刻  
之末

許申畱題 以下未見  
許珣石室巖題名見前

案許申明道三年以刑部郎中任轉運使  
畱題當在其時

梁寺丞墓表

輿地紀勝余靖撰

案寺丞名頽墓表載武溪集錄附古蹟畧

許奇題名

粵東金石畧治平三年秋七月廿二日同決曹掾鄧關伯通遊秘省丞許奇正之識

硯坑題字

高兆端硯考峽將盡岸南山坳有洞書治平四年差太監魏某重開  
粵東金石畧聞羚羊峽硯坑內摩厓刻治平四年歲次丁未重開此古巖字未及訪

案端硯考與翁氏金石畧所載卽一事翁

氏不言太監魏某蓋傳聞偶異也

端州陞興慶軍詔

輿地紀勝元符三年十月徽宗卽位未改元詔曰惟高要之奧區乃南國之舊壤土風淳厚民物夥繁朕誕受多方紹承大統顧啟封於茲土實賜履於先朝茅土之榮是爲基命節旌之重宜錫隆名

高要縣志

卷十三

金石畧三

二十

可賜端州爲興慶軍

嵩臺記

輿地紀勝繆瑜撰

案繆瑜詩刻未有剩畱記刻巖之幽句卽

此

徐龜年題名

舊志嘉定丁丑二月既望古端郡守嘉禾徐龜年出郊勸耕是日雲霧開霽風物舒和膏泉霑足土潤起於農力歲事可卜延見父老勞以酒食而遣之因畱星巖小憩而歸時節推權通判清江譚邢司權高要令贛水葉敷榮同行

義井石闌字

舊志義井在府治東八十步包公所鑿井闌刻嘉定癸未字

案明董源重修包公井記云稽之圖經暨義井舊闌石刻則知包井之作昉於宋康定庚辰至嘉定癸未一百八十四年始克修之此舊志所本据此則井闌所刻當有修井始末不僅紀年四字也

### 趙汝來題名

舊志咸淳辛未良月上澣蜀趙汝來子益贛陳繼周碩卿來遊拜觀濂溪先生畱題從容竟日男趙崇隄陳宏父孫陳都坐侍

案舊志載七星巖刻一條云濂溪周惇頤

## 高要縣志

### 卷十三

金石畧三

二十一

茂叔熙寧元年戊申季冬二十六日遊今陽春銅石巖有茂叔熙寧二年正月一日題名與石室巖正月七日所題並核見前恐無元年冬盡先在高要之理此條又見德慶志三洲巖題刻以道里日月考之均未可信一條云元符改元端午日詹山蘇軾挈家來遊東坡居士還自海南重遊武陵守允明及子過叔黨同至元符三年九月念四日也元符改元十五字曹學佺名勝志所載翁氏金石畧已辨其誤東坡居士

以下亦見德慶志唯數字小異翁氏所謂石厓劈去其旁猶有東坡遺蹟四字者也牽合爲一則更無復文義舊志名宦雜誌內屢以端溪爲高要不僅此兩事其舛謬殆不足辨

舊傳爛柯山有盤陀石宋刻訪得於山北麓西岸坑口其文云證壇頌一片磐陀石

仙家柏數栽永作雙門記按 萬古貴源臺

柯爲桂源第二峯字不作貴 時元祐六年趙王額李昌

題辭理茫昧且劣不成書別有文如苻篆

高要縣志

卷十三

金石書三

二十二

壓字上鄉人奉之禱雨此與通判署陳搏福字碑皆埒會襪祥非著錄事

元

燕京朱國寶宣授管軍萬戶同知廣南西道宣慰司事鎮守肇德封梧四郡提兵駐此時至元己卯仲春吉日題 教授尹甲書

案右朱國寶題名正書元史本傳其先徐州人後徙寶坻至元十四年進秩萬戶鎮守梧州領安撫司事十五年加懷遠大將軍十六年遷定遠大將軍海北海南道宣

慰使不言同知廣南西道宣慰地理志廣南西道宣慰司定肇慶意卽國寶己卯十六年也傳又云臨安之破張世傑挾二王由閩蹈海時南恩新州何華張翼舉兵興復國寶選精銳擊殺之降其民三萬餘戶此十五年事肇慶志事紀不載

崧臺形勝若蓬瀛玉立奇峯號七星一片波光連樹碧四圍山色抱松青錦帆隱隱來幽浦白鷺翩翮下遠汀爲愛洞中僊景好月明三鼓酒初醒  
大中大夫同知廣南西道宣慰司事燕山王 題

承事郎肇慶路總管府判官陳元 從仕郎肇慶路總管府經歷孟鐸立

廣東通志詩刻不著年代攷元史地理志前至元十六年廣南西道宣慰司定肇慶因隸廣西十七年仍屬廣東此詩廣南西道宣慰司王 題肇慶路總管府判官經歷爲之立石則肇慶是時未屬廣東可知矣故疑爲十六年刻

案右王宣慰詩行書

驃騎衛上將軍廣東道宣慰使淮右梁雄飛明威將軍管軍萬戶温陵王與公幹寓此偕寮屬游宴而歸時至元庚辰菊節題

案右梁雄飛題名正書

天然石室壯端州非假缺三四點星無晝夜幾千

缺但知山月江風好不覺缺直上斗魁臺上望乾

坤缺至元癸未上已縉山辛缺天文地理本相

通象緯缺角龙諸山皆拱北面前缺厓碑畫裏懷

周子石室缺臺在魁杓最高處通明缺眉山李

樸陪縉山遊十缺

案右縉山李樸二詩正書下段為明涂相

詩磨去

至元乙酉日長至承務郎肇慶路總管府判官嚴

居貞正甫奉訓大夫肇慶路總管府治中黃澤潤

甫武德將軍同知肇慶路總管府事張旺興甫公  
餘來觀精爽頓豁石竇自室天梯可階古端勝槩  
也乃鐫此以紀曾遊

案右嚴居貞題名正書元史地理志至元  
十七年改肇慶為下路總管府百官志至  
元二十年定十萬戶之上者為上路十萬  
戶之下者為下路當衝要者雖不及十萬  
戶亦為上路下路不置治中員而同知如  
治中之秩此刻乙酉為二十二年有肇慶  
治中豈二十年定制時以衝要改上路耶



惜史無其文也

燕京月忽乃以中順大夫柳州路總管府達魯花赤易守是邦公餘率僚屬來觀一竅通明萬象呈露勝境也故鐫此以紀曾遊皆至元戊子脩禊前一日

案右月忽乃題名正書壓刻宋劉梅溪德政碑上王圻謂達魯花赤國語荷包壓口蓋取管轄之義云

至元戊子初秋一缺德彌繹以簽提缺

案右至元殘字正書第二行後爲明鄒光

高要縣志

卷十三

金石書三

二十五

祚詩刻磨去下段又爲他刻所掩

提刑按察華峯張顯祖子正 信馬崎嶇細路通  
山圍四面錦屏風一區仙境蓬萊島七點星巖兜  
率宮江水朝東宗大海崧臺拱北插高穹他年擬  
赴蟠桃會王母頻斟醉此中 至元戊子冬月朔  
案右張顯祖詩行書

七星峯頂聳蒼穹僊境塵寰迥不同龍殿巖前珠  
滴瀝斗魁臺上玉玲瓏長生石髓藏山罅煉性丹  
砂閉井中雲路一朝令我識銖衣作翼便乘風  
至元己丑十一月王顯德耀卿

案右王顯德詩正書

此郡巖分上下中七星奇觀更稱雄似聞石燕靈  
根出疑與鮫魚別穴通池上飛僊騎北斗山間過  
客操南風深陵高谷知何限獨立斜陽良窮又  
賦誰鑿混沌竅中為輕清天剛風運鼇背弱水噓  
龍涎靈草能延壽魁臺可揖僊元公知命者曾此  
石崖鐫至元庚寅上元廬陵文溪文壁

廣東通志文璧天祥之弟在宋為惠州守見粵大  
記趙必璩傳

案右文壁詩正書斜陽下廣東志作哭路  
審泐文非是以上十刻在石室大巖

高要縣志

卷十三

金石書三

二十六

天寧萬壽禪寺住持僧法僊耆舊僧廣心耆舊僧  
慧度都寺僧行一監寺僧惟聲信士黃子瑞杂市  
捨財命工鑄造洪鐘一口上報四恩下茲三有者  
勸緣何覺叙勸緣元普現匠人黃彥哲同男友

友承 金造

梵字  
不錄

大元國廣東道肇慶路峇

延祐

柴季歲

不

庚申季冬吉日天寧萬壽

禪

寺謹

題

案右延祐鐵鐘識鐘在城北門樓紐高七  
寸紐下至 三尺七寸中圍九尺 徑三  
尺三寸脣厚二寸三分周以浮線識作三

列上列人名正書左旋中列梵字二十四  
卽四疊唵嘛呢叭彌吽六字環書四面下  
列紀年篆書並右旋篆體天斜祐字禪字  
皆衣旁蓋不通六書者爲也舊志天寧寺  
建於宋崇寧三年無萬壽之稱今寺內明  
嘉靖徐鵠一碑言萬壽儀節意當時祝釐  
於此因以爲名鐘卽其寺物也

奉訓大夫肇慶路總管府達魯花赤古汴宋壽玉  
景福昭勇大將軍肇慶路總管兼府尹廬山燕宗  
龍叔亨暨文武僚來游是日也天高氣清人物

高要縣志

卷十三

金石書三

二十七

咸悅星巖絢采僉謂巖瞻之佳兆也至元庚辰菊  
月題

廣東通志元有兩至元庚辰世祖十七年順帝六年考元史百官志至元二十年天下路府置達魯花赤一員此刻稱肇慶路達魯花赤則爲順帝時刻矣

案右宋壽玉題名正書

將仕左郎肇慶路總管府知事張居政端甫癸未  
菊節遊此書以記之

案右張居政題名正書世祖至元二十年

順帝至正三年皆次癸未攷元史百官志

諸路推官經歷知事皆至元二十三年始

置則題名爲至正三年刻廣東志列前至  
元諸刻中誤也左志作佐以相通字釋之  
非本文以上二刻在石室大巖

廣東廉訪僉事周驥宣慰副使刺思八朶兒只都  
事孫恒憲史才八刺彭翰帥史陳良貴至正九年  
十一月十有五日同至此 端庠諸生李明書丹  
案右周驥題名八分書在石峒憲史下似  
木字闕末一筆非才字也端庠一行正書  
特漫滅廣東志所錄佚之

古端兩邑三四年來爲獠寇突境日以殺戮掠賣

高要縣志

卷十三

金石書三

二十八

爲事鄉民苦不忍言己丑冬杪東平路恩州楊廷  
璧字君璋以昭勇大將軍廣西道宣慰使奉省檄  
督師而來庚寅上元日卽破賊矣端民均拜更生  
鐫此以紀實云時庚寅仲夏晦前一日

廣東通志案七星巖志載此刻突境作窺境字君璋作李君璋卽破賊矣作卽破賊焉皆視之未審爾獠寇卽猺寇蔣丙庚寅至正十年也

案右楊廷璧平寇記正書在石室大巖

廉訪張聶二公德政碑記

以下未見

舊志趙鼎撰水旱因仍天之數也聞水旱僉事道之職也是故設官分職所以爲民我朝設立道廉訪司問民疾苦俾遐陬僻壤皆得以被我聖天子如天之仁古端瀕海郡也元貞改元旱魃爲虐龜

拆田疇農失有秋憂生菜色僉事張公汝粥字明  
之眞定人也巡按令路貸米二千石賑濟饑民申  
免稅糧六千二百餘石以寬遠漕今大德元年有  
夏徂秋西潦存至田廬淪沒種植廢遺僉事聶公  
輝字光甫平定人輅車蒞止心尤惻然無依之民  
備舟以踏淹浸之田委官視驗其減糧斛七千七  
百石有奇邦人舉手加額咸曰前有張父後有聶  
母解兩邑倒懸之民續一郡垂絕之命何其幸歟  
昔饑思天下之溺猶己之溺稷思天下之饑猶已  
之饑公宣上德意禹稷之心者也夫二公之善  
政興鬻舍弭強盜革貪殘固非一端指言我百姓  
蒙更生之實惠此第一事也願紀之石以垂方來  
使來者有行荒政或罹斯患即二公之軌循之則  
端民受無窮之賜豈淺哉於是爲之頌曰峽水  
泠泠兮公同其清星巖巍兮公齊其名於千萬  
年兮播二公之仁聲大德元年丁酉大中大夫肇  
慶路總管府達魯花赤子海牙奉議大夫同知肇  
慶路總管府事董瑞經厯程準知事延瑞高要縣  
達魯花赤司都怯憐縣尹王恕主簿李通縣尉尹  
成典史陳諫立石碑刻在七星巖今亡

高要縣志

卷十三

金石書三

二十九

案神符巖有大書七言近體一詩末題至

元壬辰歲上巳愛山趙鼎題巖近蓮塘村

鼎大德中任學錄占籍其村德政記頗具

邊幅詩筆乃不類蓋贗鼎也

倪全題名

舊志淄菜倪全以武德將軍南京新軍萬戶鎮守  
廣南西道奉省檄出討獠寇凱還來此登斗魁臺  
氣象軒豁嶺南佳致也故勒此以紀歲月

案舊志淄菜二字不可解末云以紀歲月

又無歲月可見必有闕誤姑錄之以俟考